



## **Universitätsbibliothek Paderborn**

**Diplomatvm Belgicorvm Libri Dvo**

**Le Mire, Aubert**

**Brvxellis, 1627**

1. Dagobertus I. Francorum Rex mercatum constituit in opido S. Dionysij,  
prope Lutetiam Parisiorum, anno 630.

**urn:nbn:de:hbz:466:1-10903**

# DIPLOMATVM BELGICORVM TOMVS II.

## CAPVT I.

*Dagobertus I. Francorum Rex mercatum constituit in opido S. Dionysij, prope Lutetiam Parisiorum, anno 630.*

**D**AGOBERTVS Rex Francorum, vir illuster, Leuthoni, Vulfioni, Rauconi, Comitibus, & omnibus Agentibus nostris, Vicarijs, Centenarijs, & ceteris ministris Reipublicæ nostræ.

Cognoscat sollicitudo & prudentia vestra, qualiter volumus & constituimus, in honore domini & gloriosi patroni nostri DIONYSIJ mercatum constituendo, ad Missam ipsam, quæ erit septimo Idus Octobris, semel in anno, de omnes negotiantes in regno nostro consistentes, vel de ultra mare venientes, in illa strada quæ vadit ad Parisius, in loco qui dicitur Pasellus S. Martini.

Et sciatis nostri Missi ex hoc mercato, & omnes ciuitates in regno nostro, maximè ad Rothomo porto & Wicvs porto, qui veniunt de ultra mare pro vino, melle, vel garantia, emendum: & isto altero anno, seu ante sit ipse teloneus indulitus usque ad tertium annum, & inde in postea de unaquaque quarrada de melle persoluant partibus S. Dionysij solidos duos, & unaquaque quarrada de garantia similiter solidos duos.

Et illi Saxones, & Vngarij, & Rothomenses, & ceteri pagentes de alias ciuitates persoluant de illos nauigios de unaquaque quarrada denarios duodecim, & vultaticos, & passionaticos, per omnes

H h suc-

successiones & generationes illorum, secundum antiquam consuetudinem.

Iubemus etiam, ut ipse mercadus per quattuor septimanas extendatur, ut illi negotiatores de Longobardia, siue Hispania, & de Prouencia, ac de alias regiones illuc aduenire possent.

Et volumus atque expressè præcipimus, ut nullus negotiator in propago Parisiaco audeat negotiare, nisi in illo mercado, quem in honore S. Dionysij constituiimus & ordinamus.

Et si quislibet hoc fecerit, bannum nostrum pro hoc persoluat, ad partem S. Dionysij.

Præcipimus denique & expressè vobis mandamus, omnes Agentes seu iuniores vel successores nostri præsentes & venturi, ut nullum umquam impedimentum pars S. Dionysij habeat ex parte nostra & vestra, neque intra ipsa ciuitate Parisus, neque ad foras in ipso pago: teloneos, vel nauigios, portaticos, riuaticos, rotaticos, vultaticos, themonaticos, cespitaricos, pulueraticos, foraticos, mestaticos, laudaticos, saumaticos, salutaticos, omnia & ex omnibus quidquam ad partem nostram, vel fisco publico, de ipso mercado ex ipsa mercimonia exactare potuerit, pars S. Dionysij vel sui agentes in perpetuo habeant, per hanc nostram indulgentiam & auctoritatem.

Et ut hæc nostra præceptio de ipso loco nostris & futuris temporibus firmior habeatur, manus nostræ subscriptionibus eam subter decreuimus roborare, & de annulo nostro sigillare iussimus.

Ego DAGOBERTVS Rex subscripsi. DADO obtulit.

630. Datum die tertia Kalendas Augusti, anno secundo regni Dagoberti, Compendio, feliciter in Dei nomine, amen.

### N O T A T I O.

Dagoberti, Francorum & Austrasiorum Regis, diploma, et si barbarum, si dictiōnēm spēctes, tamen pium & antiquorum vocabulorum plenum, hic visum fuit ob oculos ponere; ut illius auct̄ilum & pietatem agnoscamus ac veneremur.

C A P V T